

SOALAN LAZIM
BANTUAN KHAS KEWANGAN AIDILFITRI (BKKA) TAHUN 2021

A. PENJAWAT AWAM

BIL.	SOALAN	KELAYAKAN
Pelaksanaan		
1.	Siapakah penjawat awam yang layak dibayar Bantuan Khas Kewangan Aidilfitri Tahun 2021?	<p>Bantuan Khas Kewangan Aidilfitri Tahun 2021 dibayar kepada pegawai Perkhidmatan Awam Persekutuan Gred 56¹ dan ke bawah dengan syarat bahawa pegawai masih berkhidmat pada 6 Mei 2021.</p> <p>Turut layak diberi kepada pegawai Perkhidmatan Awam Kumpulan Pengurusan dan Profesional dan Kumpulan Pelaksana yang merupakan pegawai lantikan tetap, sementara dan <i>Contract of Service</i>², pegawai yang bercuti bergaji penuh, pegawai yang bercuti separuh gaji, pegawai yang bercuti tanpa gaji dan pegawai yang dipinjamkan termasuk ke agensi yang diasingkan pengurusan saraannya.</p> <p>Pemberian Bantuan Khas Kewangan Aidilfitri Tahun 2021 turut dipanjangkan kepada guru interim, pemandu yang dilantik sendiri oleh pegawai Gred Jawatan Utama B dan ke atas, serta Gred Khas A dan ke atas yang layak pemandu tetapi tidak disediakan pemandu oleh jabatannya serta pemandu yang dilantik sendiri oleh Anggota Pentadbiran dan Hakim dan Pesuruhjaya Kehakiman.</p> <p>Pemberian Bantuan Khas Kewangan Aidilfitri Tahun 2021 turut dipanjangkan kepada Pekerja Sambilan Harian (PSH) dan pegawai lantikan MySTEP yang kontraknya masih berkuat kuasa pada 6 Mei 2021.</p>

¹ Pegawai di Gred 56 atau setara. Tidak termasuk pegawai yang sedang memangku di Gred Jawatan Utama/Khas.

² Bagi pegawai di bawah *Contract for Service*, surat edaran berasingan akan dikeluarkan oleh Kementerian Kewangan.

BIL.	SOALAN	KELAYAKAN
		Nota: Rujuk B.15 untuk pesara/penerima pencen yang layak dibayar Bantuan Khas Kewangan Aidilfitri Tahun 2021.
Pegawai Bercuti Separuh gaji/ Tanpa Gaji		
2.	Adakah pegawai yang bercuti separuh gaji/tanpa gaji sepanjang tempoh 1 Januari 2021 hingga 6 Mei 2021 layak menerima Bantuan Khas Kewangan Tahun 2021?	Layak.
Pegawai Peminjaman		
3.	Adakah pegawai yang dipinjamkan ke Gred Utama/Khas layak menerima Bantuan Khas Kewangan Aidilfitri Tahun 2021?	Tidak layak. Pegawai tidak layak Bantuan Khas Kewangan Tahun 2021 kerana pegawai telah menikmati elaun dan kemudahan atas Gred Jawatan Utama/Khas sama seperti pegawai memangku.
Pegawai <i>Contract of Service</i>		
4.	Adakah seorang pegawai <i>Contract of Service</i> layak diberi Bantuan Khas Kewangan Aidilfitri Tahun 2021 sekiranya beliau berkhidmat mulai 1 Oktober 2020 hingga 1 Mei 2021 dan tidak lagi berkhidmat selepas tarikh tamat kontrak tersebut?	Tidak layak. Pegawai tidak lagi berada dalam perkhidmatan pada 6 Mei 2021 (tarikh pembayaran).
5.	Adakah seorang pegawai <i>Contract of Service</i> yang dilantik pada 1 Januari 2021 hingga 31 Disember 2021 layak diberi Bantuan Khas Kewangan Aidilfitri Tahun 2021?	Layak. Pegawai layak pemberian Bantuan Khas Kewangan Aidilfitri 2021 dengan syarat masih berada dalam perkhidmatan pada 6 Mei 2021 (tarikh pembayaran).

BIL.	SOALAN	KELAYAKAN
Pekerja Sambilan Harian (PSH)		
6.	Adakah PSH yang telah berkhidmat pada 1 Disember 2020 hingga 28 Februari 2021 layak diberi Bantuan Khas Kewangan Aidilfitri Tahun 2021?	Tidak layak. Pegawai tidak layak diberi Bantuan Khas Kewangan Aidilfitri Tahun 2021 kerana tidak lagi berada dalam perkhidmatan pada 6 Mei 2021.
Inisiatif Short-term Employment Program (MySTEP)		
7.	Adakah pegawai lantikan MySTEP yang dilantik bermula pada 1 Januari 2021 dan masih berkhidmat pada 6 Mei 2021 layak diberi Bantuan Khas Kewangan Aidilfitri Tahun 2021?	Layak. Pemberian Bantuan Khas Kewangan Aidilfitri Tahun 2021 turut dipanjangkan kepada pegawai lantikan MySTEP yang kontraknya masih berkuat kuasa pada 6 Mei 2021.
8.	Adakah pegawai lantikan MySTEP yang dilantik bermula pada 1 Januari 2021 dan tamat kontrak pada 1 Mei 2021 layak diberi Bantuan Khas Kewangan Aidilfitri Tahun 2021?	Tidak layak. Pegawai tidak layak diberi Bantuan Khas Kewangan Aidilfitri Tahun 2021 kerana tidak lagi berada dalam perkhidmatan pada 6 Mei 2021.
Pelantikan Dalam Perkhidmatan		
9.	Adakah pegawai Perkhidmatan Awam Persekutuan yang dilantik ke skim perkhidmatan lain dalam Perkhidmatan Awam Persekutuan layak diberi Bantuan Khas Kewangan Aidilfitri Tahun 2021?	Layak. Walaupun melibatkan dua (2) skim perkhidmatan yang berbeza, pegawai layak diberi Bantuan Khas Kewangan Aidilfitri Tahun 2021 dan akan dibayar oleh jabatan di mana pegawai itu berkhidmat.
Hukuman Tatatertib		
10.	Adakah pegawai yang dijatuhkan hukuman amaran pada 10 Januari 2021 oleh Pihak Berkuasa Tatatertib Kementerian/ Jabatan layak diberi Bantuan Khas Kewangan Aidilfitri Tahun 2021?	Tidak layak. Pegawai tidak layak diberi Bantuan Khas Kewangan Aidilfitri Tahun 2021 kerana hukuman amaran adalah turut merupakan salah satu daripada jenis hukuman tatatertib mengikut Perkara 38, P.U.(A) 395 Peraturan-Peraturan Pegawai Awam (Kelakuan dan Tatatertib) 1993.

BIL.	SOALAN	KELAYAKAN
11.	Adakah pegawai yang telah dijatuhkan hukuman tatatertib pada November 2020 dan pelaksanaan hukumannya berlanjutan melangkaui tempoh 1 Januari 2021 layak diberi Bantuan Khas Kewangan Aidilfitri Tahun 2020?	Layak. Pegawai layak diberi Bantuan Khas Kewangan Aidilfitri Tahun 2021 kerana hukuman tatatertib berkenaan telah dijatuhkan pada tahun 2020 dan bukannya tahun 2021 walaupun pelaksanaannya melangkaui ke tahun 2021.
Meninggal Dunia Dalam Perkhidmatan		
12.	Adakah pegawai yang meninggal dunia pada 6 Mei 2021 layak menerima Bantuan Khas Kewangan Aidilfitri Tahun 2021?	Layak. Pegawai layak menerima Bantuan Khas Kewangan Aidilfitri Tahun 2021 sebanyak RM500 dan akan dibayar oleh jabatan terakhir pegawai berkhidmat.
Peng korporatan/ Penswastaaan dan Pengasingan		
13.	Adakah pegawai yang dipinjamkan ke agensi yang diasingkan pengurusan saraannya atau badan antarabangsa atau syarikat swasta sepanjang tempoh 1 Januari 2021 hingga 6 Mei 2021 layak menerima Bantuan Khas Kewangan Tahun 2021?	Layak dan akan dibayar oleh agensi yang menerima peminjaman pegawai (agensi peminjam).
Meletak Jawatan/ Berhenti/ Ditamatkan Perkhidmatan		
14.	Adakah pegawai Perkhidmatan Awam Persekutuan yang meletak jawatan/ berhenti/ ditamatkan perkhidmatan demi kepentingan awam dalam tempoh 1 Januari 2021 hingga 6 Mei 2021 layak diberi Bantuan Khas Kewangan Aidilfitri Tahun 2021?	Tidak layak. Pegawai Perkhidmatan Awam Persekutuan yang meletak jawatan/ berhenti/ ditamatkan perkhidmatan demi kepentingan awam dalam tempoh 1 Januari 2021 hingga 6 Mei 2021 tidak layak diberi Bantuan Khas Kewangan Aidilfitri Tahun 2021 kerana pegawai tidak lagi berada dalam perkhidmatan.

B. PESARA KERAJAAN

BIL.	SOALAN	KELAYAKAN
Pesara		
15.	Siapakah pesara yang layak dibayar Bantuan Khas Kewangan Aidilfitri Tahun 2021?	<p>A. Pesara Kerajaan yang menerima pencen di bawah undang-undang pencen/Peraturan-Peraturan Angkatan Tetap (Pencen, Ganjaran dan Faedah-Faedah Lain) 1982 yang bersara pada atau sebelum 6 Mei 2021 bagi semua gred di dalam:</p> <ul style="list-style-type: none"> i) Perkhidmatan Awam Persekutuan (termasuk Polis Diraja Malaysia) dan Negeri; ii) Perkhidmatan Pihak Berkuasa Berkanun (Persekutuan dan Negeri) dan Pihak Berkuasa Tempatan; dan iii) Perkhidmatan Angkatan Tentera Malaysia. <p>B. Pesara Skim Kumpulan Wang Simpanan Pekerja (KWSP) yang bersara mengikut opsyen umur persaraan sahaja (55 tahun, 56 tahun, 58 tahun atau 60 tahun) turut layak dibayar Bantuan Khas Kewangan Aidilfitri Tahun 2021.</p> <p>C. Pesara yang bersara secara pilihan yang belum menerima pencen kecuali bagi pesara penswastan yang bersara dibawah Seksyen 6E,6F,6G, Akta Pencen Pihak-Pihak Berkuasa Berkanun Dan Tempatan 1980 (Akta 239).</p>
16.	Siapakah Penerima Pencen yang layak dibayar Bantuan Khas Kewangan Aidilfitri Tahun 2021?	Penerima pencen yang layak adalah penerima pencen perkhidmatan, pencen hilang upaya, pencen terbitan dan pencen tanggungan, pencen orang tanggungan, elaun tanggungan, elaun bersara dan elaun bersara terbitan sehingga 6 Mei 2021.

BIL.	SOALAN	KELAYAKAN
Pesara		
17.	Adakah penerima pencen terbitan turut layak dibayar Bantuan Khas Kewangan Aidilfitri Tahun 2021?	Layak. Bagi penerima pencen terbitan yang lebih seorang, Bantuan Khas Kewangan Aidilfitri Tahun 2021 akan dibayar berdasarkan pembahagian sama rata mengikut akaun penerima pencen.`
18.	Adakah pegawai yang bersara selepas 6 Mei 2021 layak menerima Bantuan Khas Kewangan Aidilfitri Tahun 2021?	Layak dibayar dengan kadar Penjawat Awam sebanyak RM500.00.
19.	Adakah pesara/penerima pencen yang tidak bermastautin di Malaysia layak menerima Bantuan Khas Kewangan Aidilfitri Tahun 2021?	Layak. Pesara yang menerima pencen / penerima pencen yang tidak bermastautin di Malaysia layak menerima Bantuan Khas Kewangan Aidilfitri Tahun 2021.
20.	Siapakah pesara / penerima pencen terbitan yang tidak layak menerima Bantuan Khas Kewangan Aidilfitri Tahun 2021?	Pesara/penerima pencen terbitan yang tidak layak adalah: i) Perkhidmatan sebagai Ahli Parlimen atau Anggota Pentadbiran; ii) Perkhidmatan sebagai Setiausaha Politik; iii) Perkhidmatan sebagai Hakim; iv) Penerima pencen Skim Pencen Balu dan Anak Yatim (Semenanjung, Sabah dan Sarawak); v) Penerima bayaran Ex-Gratia Bencana Kerja di bawah 1PP:WP6.3- Pengurusan Wang Awam; vi) Penerima pencen terbitan di bawah undang-undang pencen/ Peraturan-Peraturan Angkatan Tetap (Pencen, Ganjaran dan Faedah-Faedah Lain) 1982 kerana kematian pegawai dalam perkhidmatan selepas 6 Mei 2021; dan

BIL.	SOALAN	KELAYAKAN
Pesara		
		<p>vii) Pegawai berpencen yang melepaskan hak pencen kerana menyertai Badan Berkanun Yang Diasingkan Saraan (BBDS).</p> <p>viii) Pegawai yang terlibat dengan penswastan di bawah Seksyen 12A, Akta 227 dan Seksyen 13 Akta 239.</p>
21.	Adakah pesara yang bersara atas dasar penswastan atau pengkorporatan layak dibayar Bantuan Khas Kewangan Aidilfitri Tahun 2021?	Layak sekiranya mereka adalah penerima pencen.
22.	Adakah pesara (merujuk kepada no.15) yang meninggal dunia sebelum 6 Mei 2021 layak diberi Bantuan Khas Kewangan Aidilfitri Tahun 2021?	Bayaran Bantuan Khas Kewangan Aidilfitri Tahun 2021 hanya akan dibayar kepada Penerima Pencen Terbitan yang layak.
23.	Adakah pesara (merujuk kepada no. 15) atau penerima pencen terbitan yang meninggal dunia pada 6 Mei 2021 layak diberi Bantuan Khas Kewangan Aidilfitri Tahun 2021?	Layak. Pesara atau penerima pencen terbitan yang meninggal dunia pada 6 Mei 2021 layak diberi Bantuan Khas Kewangan Aidilfitri Tahun 2021 sebanyak RM250.00.
24.	Adakah pesara yang dilantik semula secara <i>Contract of Service (COS)</i> dan masih berkhidmat pada 6 Mei 2021 layak dibayar Bantuan Khas Kewangan Aidilfitri Tahun 2021?	Layak. Pesara yang dilantik semula secara <i>Contract of Service (COS)</i> dan masih berkhidmat pada 6 Mei 2021 layak dibayar Bantuan Khas Kewangan Tahun Aidilfitri 2021 sebanyak RM500.00. Pembayaran sebanyak RM250.00 akan dibuat oleh Jabatan Perkhidmatan Awam (JPA)/Jabatan Hal Ehwal Veteran (JHEV) dan bakinya RM250.00 akan dibayar oleh jabatan di mana pegawai sedang berkhidmat.

BIL.	SOALAN	KELAYAKAN
Pesara		
25.	Sekiranya pesara mempunyai rekod di JPA dan JHEV, Jabatan manakah yang akan membuat bayaran Bantuan Khas Kewangan Aidilfitri Tahun 2021 kepada pesara tersebut?	Bantuan Khas Kewangan Aidilfitri Tahun 2021 hanya dibayar sekali sahaja sebanyak RM250.00 Pembayaran akan dibuat oleh JPA.